

Արձանագրություն

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ՀՐԱՂԱՆ ՀԱՄԱՅՆՔԻ
2026-2028 ԹՎԱԿԱՆՆԵՐԻ ՄԻՋՆԱԺԱՄԿԵՏ ԾԱԽՍԵՐԻ ԾՐԱԳԻՐԸ
ՀԱՍՏԱՏԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ ՀԱՆՐԱՅԻՆ
ՔՆՆԱՐԿՄԱՆ ՎԵՐԱԲԵՐՅԱԼ

27.05.2025թ., ք. Հրազդան

Սույն արձանագրությունը կազմվում է առ այն, որ 2025 թ. մայիսի 27-ին, ժամը 11:00-ին Հրազդանի համայնքապետարանի նիստերի դահլիճում տեղի ունեցավ «Հրազդան համայնքի 2026-2028 թվականների միջնաժամկետ ծախսերի ծրագրի մասին» որոշման նախագծի վերաբերյալ կազմակերպվող հանրային լսումներ:

Քննարկմանը մասնակցում էին՝

1. Հրազդանի համայնքապետարանի ներկայացուցիչներ
2. Բնակիչներ

Թվով՝ 13 հոգի:

Համայնքապետարանի աշխատակազմի Ֆինանսատնտեսագիտական բաժնի պետ Արևիկ Եփրեմյանը ներկայացրեց «Հրազդան համայնքի 2026-2028 թվականների միջնաժամկետ ծախսերի ծրագրի մասին» որոշման նախագիծը:

Համաձայն «Հայաստանի Հանրապետության բյուջետային համակարգի մասին» օրենքի 31-րդ հոդվածի 1-ին մասի 1.8-րդ կետի, համայնքի ղեկավարը կազմում և համայնքի ավագանու հաստատմանն է ներկայացնում համայնքի 2026-2028 թթ. միջնաժամկետ ծախսերի ծրագրի (այսուհետ՝ ՄԺԾԾ) նախագիծը: Հրազդան համայնքի 2026-2028 թթ. միջնաժամկետ ծախսերի ծրագիրը հաստատելու մասին Հրազդան համայնքի ավագանու որոշման նախագիծը մշակվել է «Տեղական ինքնակառավարման մասին» և «Հայաստանի Հանրապետության բյուջետային համակարգի մասին» օրենքների պահանջներին համապատասխան:

Հրազդան համայնքի 2026-2028 թվականների միջնաժամկետ ծախսերի ծրագիրը հաստատելու մասին Հրազդան համայնքի ավագանու որոշման նախագիծը մշակվել է «Տեղական ինքնակառավարման մասին» և «Հայաստանի Հանրապետության բյուջետային համակարգի մասին» օրենքների պահանջներին համապատասխան: 2026-2028

թվականների միջնաժամկետ ծախսերի ծրագիրը, լինելով համայնքի եկամուտների ձևավորման ու ծախսերի կատարման տարեկան ֆինանսական ծրագրերի ուղենիշային փաստաթուղթ, ուղղվում է տեղական ինքնակառավարման մարմիններին օրենքով վերապահված լիազորությունների շրջանակներում համայնքային ծրագրերի իրականացմանը: Այն ակնկալվող եկամուտների և առաջարկվող ծրագրերի ու միջոցառումների համապարփակ թվարկումն է երեք ֆինանսական տարիների համար՝ ՏԻՄ-ի գործունեության յուրաքանչյուր բնագավառում: «Հայաստանի Հանրապետության Կոտայքի մարզի Հրազդան համայնքի 2026-2028 թվականների միջնաժամկետ ծախսերի ծրագրի հաստատելու մասին» համայնքի ավագանու որոշման նախագիծը ընդունելու արդյունքում ակնկալվում է եկամուտների և ծախսերի արդյունավետ կառավարում , ոլորտային տարբեր ծրագրերի իրականացման պլանավորված մոտեցում, ուղղակի և ելքային արդյունքների ձեռքբերում՝ միաժամանակ կիրառելով նոր որակի և մակարդակի կառավարում: Համայնքի միջնաժամկետ ծախսերի ծրագիրը համայնքի հնգամյա զարգացման ծրագրի դրույթների իրագործման հիմնական գործիքն է, որը հնարավորություն է տալիս առավել իրատեսական և առարկայական դարձնել նախատեսվող ծրագրերը:

Ներկայացվեց ՄԺԾԾ հիմնական նպատակը, որն է՝ ներկայացնել համայնքի ծախսային ռազմավարությունը հաջորդ երեք տարվա բյուջեի ծախսային ծրագրերի ֆինանսական գնահատականը:

Համայնքի ՄԺԾԾ-ն բաղկացած է երկու մասից՝

1. համայնքի եկամուտները շարադրող մաս,
2. համայնքի՝ հնգամյա զարգացման ծրագրից բխող ծախսային քաղաքականությունը շարադրող մաս:

Եկամուտները շարադրող մասը պարունակում է առաջիկա երեք տարիների համար եկամուտների մասին բովանդակային ու հաշվարկային հիմնավորումներ, եկամուտների ուղղությամբ աշխատանքների ընթացքի գնահատականի և նախորդ տարվա համայնքի բյուջեով եկամուտների ցուցանիշների փոփոխությունների վերաբերյալ՝ նախորդ երեք տարվա համայնքային բյուջեով եկամուտների քաղաքականության նպատակների ցուցանիշների նկատմամբ շեղումների կամ փոփոխությունների բացատրություն, երեք տարվա կտրվածքով բոլոր տեսակի եկամուտների ուղղությամբ կանխատեսումների վերաբերյալ:

Ծախսային քաղաքականությունը պարունակում է այն արդյունքները, որոնց համայնքը ցանկանում է հասնել իրականացվելիք ծրագրերի շրջանակներում ծախսեր կատարելու միջոցով, ինչպես նաև այն ծախսային գործոնները, այդ թվում՝ ակնկալվող տնտեսական և սոցիալական միտումները, որոնք կանխատեսվող ժամանակաշրջանի ընթացքում կազդեն իրագործվող ծախսերի վրա: Հրազդան համայնքի համար առաջիկա տարիներին կարևոր է բնակչության բարեկեցության աճը, ինչպես նաև սոցիալ-տնտեսական ճիշտ քաղաքականության վարման արդյունքում՝ աղքատության հաղթահարումը:


Մանրամասն ներկայացվեց 2026- 2028թթ եկամտային ու ծախսային կանխատեսումները, նախատեսվող սուբվենցիոն ծրագրերը:

Հնչեցին հարցեր:

1. Ճանապարհաշինարարության վերաբերյալ հարց հնչեց՝ ընտրված փողոցների և բակային հատվածների վերաբերյալ:

Ի պատասխան հարցի՝ նշվեց, որ արդեն կան նախագծային փաստաթղթեր՝ փուլային եղանակով առաջիկա 2 տարիների ընթացքում աշխատանքները կավարտվեն:

Համայնքապետարանի աշխատակազմի
Ֆինանսատնտեսագիտական
բաժնի պետ՝



Ա. Եփրեմյանը

Արձանագրող՝
Գլխավոր մասնագետ -զարգացման
հարցերով պատասխանատու



Վ.Բարեղամյան